

四庫全書

集部

欽定四庫全書

涉齋集卷六

宋 許綸 撰

五言律詩

次韻潘德久偕居西湖張氏園詩

竹居元為竹聞借簟湖陰齊物千言就巢枝一徑深嵐  
光開句眼虛籟試禪心賡得西湖詠何須更姓林

木瓜園 并序

木瓜園創寄樂亭之外有浮香亭度錦橋吹雲嶺合

肥求紀其事作五字律刻之柱

近郭梅根古臨流野興長  
結亭從寄樂隔塢得浮香  
度錦趨蓮渚吹雲映柳莊  
棠陰無可紀題作小河陽

次韻木縕之題挹爽書院

歲月多歧路生涯幾短亭  
歸來故人眼相對舊時青  
詩帶煙霞寄園知杖屨經  
預愁逃社去湖外渺滄溟

題江心寺

屹立中川嶼江行結斗城  
千灘界巖下兩塔湧波擎  
布

地有沙漲中天惟月明清宵撓禪定端是棹歌聲

舟行過沛城

人日晴還暖遊絲舞復翻湖平開鏡面岸靜見蘆根舟  
昔幾番過地今何處村沛城多美酒弭櫂一開樽

糴舟泊高沙為境內所逐却泊天長

官薄謀先拙才疎食更浮抱關從委吏貸粟向河侯遏  
糴還逾境迎風更沂流百年俱逆旅處順一虛舟

江行次外舅吾字韻

艣滑誰催汝山迎似喚吾意行從改岸暝坐得還珠黃  
卷真如妳騷經未可奴霏微隔江雨昨夜濕菰蒲

阻風泊塘陰寨登四望山用前韻

行藏端在我富貴本非吾不是迷邦寶休云被褐珠官  
方鄰廝役賢有隱傭奴所至何妨樂車輪未朽蒲

舟行得順風再次韻

抱關真漫仕所好合從吾易乞高霞珮難投明月珠飄  
蓬諳歲月泛宅挈僮奴萬事乘流耳殷勤十幅蒲

入淮

淮水限南北舟行洛水濱底須分爾界何處不吾民好在關河舊期來日月新片雲無可翳豈待淨妖塵

端午日過左蠡

未識康廬面惟聞左蠡名一朝窺壯觀五節記經行細把離騷讀時將濁酒傾波濤元不惡風力更生成

諸暨道中早行

飛雪夜無聲牕虛倍得明司晨雖有誤破夢蝶先驚何

處吹煙濕誰行馬跡輕籃輿吾未穩愧爾僕夫征

雪霽早行

蓐食挑鐙暈籃輿破曉氛雪開千嶂日冰合一溪雲久  
客年華度求官道力分還鄉定春及物意覺欣欣

括蒼道中次陳頤剛韻

山色隨詩瘦波光際野空行裝秋思裏情話雨聲中無  
補身如贅多愁鬢似蓬惟餘滄海興酒後憶郛筒

醕居甫登後山

人老東山隱春歸北斗城精廬青嶂合華蓋碧雲擎落  
日不愁晚半蟾方接明端能數過訪無惜夜車聲

送錢大受帥廣東

妙算無遺策私憂有劇談豐功期漠北小試見湖南  
煖席君何暇妨賢我甚慙詔將須尺一象可應魁三

淮甸為寮日私錢奉令時同拚悞弱罷爭忍碎煩為報  
國存忠赤逢人惜鬢絲相從又相別勲業迫男兒

送才叔宰烏程



鐫坐螢牕夜肩隨鶚薦年科名雖獨後官業更無前劇  
縣三千水修門尺五天秋風滿孤嶼難駐處州船

送劉茂實赴連江丞二首

三山七閩右千竹二松間官地今為樂官名丞更閒

案此

一聯不對官地今為樂句疑有誤

離支明夏谷格磔響秋山收拾吟哦

課湘中寄一斑

弁以旁觀審書難掣肘繩一同兼利害貳邑易聲稱但  
使知賢令端為不負丞茲行子餘事著語我何能

送潘才叔赴合肥錄事二首

鐙火寒牕夜聲名弱冠年掇科君恨晚用世我奚先  
餉道曾爭辟公車合薦賢園扉聊鞠草幕府且依蓮

官業盤根見生涯破甑輕才堪當一面句可敵長城  
親待平反笑時須慷慨清十連籌正遠三語意猶傾

送張說道縣尉之官襄陽

一尉襄陽去三年別舊游煩君登峴首拭淚望神州  
勲業男兒事依違我輩羞為言賢府帥問訊橘鄉侯

送薛子明赴歙縣尉二首

家世聯三鳳才名擅一夔詩章謝池草經術董生帷雁  
塔題名近龍門點額遲一官聊一尉民事是良醫

新安今太守癸未昔同年老手親師範良規得吏筌徑  
須如渭尉切勿效梅仙閒暇何妨學科名是世傳

送陳伯壽之子仲至迎侍赴嘉興秋官

檣李官為李春風餞此行義方非祿養祖武是家聲畫  
諾須三語哀矜在一成黃堂應坐獻執別寸心傾

潘茂和才叔遠訪雨後餞別

連壁遠相訪，斷金情有加。  
不因魚撫鉢，自是客思家。  
好雨知人意，深杯艷燭花。  
今宵真語別，孤嶼在天涯。  
許種飛霞竹，仍求甌浦梅。  
思鄉常夢寐，報國乏涓埃。  
玉葉裁雲膾，榴花染雪醅。  
朝三吾已定，謫百便來歸。

送術士吳國材詩

并序

國材本名家子，以術行于都下，縣從之。  
案縣從之句難解，疑有脫誤。  
國博同年有詩送其行，亦次韻。

自昔名家子于今賣卜翁親逢黃石老曾驗黑頭公無  
術自鑒命有奇祇墮空吹噓吾豈敢憐子又西東

次韻洪莘之太社真率之集三首

疇昔三洪並聲名四海知靈光一老在鸞鷟九成儀近  
有同朝喜今無遠室思雙瞻最良譽合瑞聖明時

鼎來那有說鐫坐太無譁擊缶聊三奏吹壎信一家勸  
時幾禮醪真率勝邊加老媿詩無律新篇極歎嗟

詩翁甘獨殿我輩豈其班燭火自不息斤風祇似閒秋

容蟾桂裏歸夢雁  
笑間物理因詩悟  
新來豹一斑

和人見寄

一別三年久無書  
堪往還自憐  
供吏役長羨似僧閒  
契闊詩情在  
提撕鬢影斑  
敲門湖上寺居士已開山

和才叔次韻

閒中宜可樂  
病外復何愁  
塊坐疑三刖  
朋來散百憂  
琴彈欣改調  
鉶聲喜歸謀  
豈復行藏計  
終朝只倚樓

詩社久疎索  
銓牋殊澀慳  
遙憐疑落落  
近喜復斑斑  
柳

密鶯酬答花深蝶往還春光頓如許人事苦相關

次韻甄念八丈監簿詩

憶昔忘年舊惟公不我遺分攜頻問訊握手屢哦詩塵  
世千年夢仙家一局棋得閒聞健好振古只如茲

次韻廣文鎖試出院寄似

校文花事過無句到蒼苔芍藥翻新砌醪醑浸古壘竹  
枝歌喚起春草夢驚回亦許山中老相容和竭來

同年會拜三茅不及與呈素侍郎同年

地秘三茅勝班高玉筍明昔年同日喜共拜一陽生造  
化何勞補彌文竟自成梅花開句眼爭得不關情

寄潘德久

新雨不可待故人猶作疎有方能煮字無策與脂車灑  
地親霜簟敲冰想玉壺端能乘月過重賦碧芙渠

懷鄭仁叔

近有河魚疾曾煩舊雨來又成三日別未覺百懷開氣  
合嗟同病情親憶把杯西湖荷蓋底誰遣畫船回



斗大樓居窄林深客思長  
雨涼欣破甑風急凜垂堂  
倚  
祿生涯拙憂時鬢髮蒼  
向來遮日手祇合釣滄浪

病足少蘓次常之韻三首

攀拳尊足苦伸縮  
楚囚聲藥甲新條在  
豎科舊貫盈百  
年雙脚健萬事一漚輕  
獨恨忘形友終然少合并

休從詹尹卜數亦不難  
通寄祿逾三品論才祇下中  
器  
歌終必覆藥裏漫成叢  
痼疾元來有惟知酒有功

藍田紆古句令我好懷開  
未敢為瓊報何從引玉來  
蒲

蜀江漲綠桑落甕留醅  
柳市人歸未隨潮蚤晚催

三次澄鱗韻喜聞捷音

昨夜燈花喜今朝吉語新  
犁庭真破竹入境若無人  
何力裨洪造擎拳藝寶薰  
從今願諸將獻捷日頻頻

四次聞捷韻

身閒偏蚤起邊報逐朝新  
諸將休輕敵中原尚有人  
定須申捷伐安得雜薰莸  
祇媿渾無補空歌捷詠頻

聞捷五次轉庵韻

周歷綿綿遠湯盤日日新  
恭聞哀痛詔憤激老癯人  
報答帶仍礪英雄沐更薰  
哀年扶杖聽折屐敢辭頻

轉庵催結局六次韻

漢儀重覩舊秦暴盡更新  
應是天亡敵從知國有人  
乾坤大開闢華夏一陶薰  
收到崑崙北詩應快李頻

案聞捷詩

應有六首今遺脫第一  
第二祇存四首

和轉庵與洪共之說詩談禪之什

鐺坐聽清話鼎來宜  
笑譁詩談五字律  
禪說一枝花未

肯傳衣鉢先須借齒牙老婆心更切黃檗正栽茶

又再和轉庵且置詩話聊答說禪之什

見性元非說傳心豈得譚三更親受法五葉自開花雖  
遇奪衣嶺終搖度觴牙要知觀自在不異鳩盤茶

又復次韻為醺答說禪偈言

密傳當正受諦聽勿高譚要結菩提果須開頓悟花祖  
師禪上陣大將擁高牙赴了齋時飯大家同喫茶

次外舅遣侍人韻

關中蕭相國江左管夷吾人仰高山石心宜赤水珠登  
臨捐妓女書札付官奴妙得安心法繩床底用蒲

再次外舅韻戲呈舍人叔丈

接棟兄過弟忘懷汝與吾纏頭新辦錦買笑近量珠怒  
釋泥中婢歡全膝下奴使無驅豆法亦合賭樗蒲

次外舅聞字即事韻

蘧瑗行年化宣尼耳順聞聲名昭白日富貴薄浮雲天  
子方嘗膽中原未靜氛加餐為時起禮樂不徒云

再次韻并呈舍人叔丈

過訪鄰牆近歌呼隔屋聞江收梅熟雨川暎藥紅雲把  
燭杯仍艷交談篆接氛盤洲餘醉墨吾亦欲云云

再次聞字韻

船屋香留潤衣篝冷却聞晚山新見月別浦宿藏雲歲  
月催人老江湖淨世氛望中愁不極收拾費詩云

次韻德久

熟闌齊物論懶賦畔牢愁浮世夢槐國虛名種橘侯有

身俱有患無累即無求不啻如今足何如取次休

次轉庵韻

節中期樂事座上欠嘉賓雨帽何妨濕雲山自帶顰午  
晴開喜色歸月入懷新有菊皆重九無須更卜辰

再次韻

有約惟真率相忘任主賓拒霜方送喜疎柳不爭顰近  
復關原舊頻看邸報新吾儕何幸甚投老得逢辰

三次轉庵韻仍招小飲

有徑望三並杜門無雜賓只逢開口笑絕勝捧心顰一  
色黃華在雙投白醞新速宜相爾汝元不關參辰

金魚久不浮游喜而有作

買得黃金鯽投將白玉池久晴虞涸輟轉壑漾深陂每  
施龜魚食偏懷網罟疑今晨水澄澈梭影泛琉璃

有喜真愛亭梅花開走筆呈轉庵

小園饒勝事僮僕競謹詳梅綻凌寒樹枝繁照水花病  
身俄勿藥詩思頗萌芽急報南鄰友新筍可當茶



白山茶

白茶誠異品天賦玉玲瓏不作燒燈焰深明韞積功易容非世力幻質本春工皓皓知難污塵飛漫自紅

和轉庵白蓮

虛籟一聲蟬通宵月正懸亭亭承露掌歷歷涉波仙夜色起香霧曉光收玉煙層冰不可致清賦憶前年

諸葛忠叟初逢家塾池中產雙蓮求予扁榜併作五言勉諸甥

我愛漁溪說君能喜種蓮一經初建塾雙實遽呈川和  
氣堽荒應榮名棣萼聯勉旃成宅相學也是家傳

麝香萱

南薰吹麝馥背樹染鵝黃裏許香為德中央色自莊洛  
津行夕佩仙掌洗晨粧真為忘憂賞者雲戀故鄉

煮茗

止酒身多病添書日正長睡魔推不去茗盃熟難忘鵲  
過飛樵墮蜂喧落粉香靜中觀物理此樂未渠央

煮茗鵝闌井哦詩蝶過垣  
笋高垂籜瘦梅落墜枝繁  
白晝重闌靜新晴遠市喧  
境緣看漸熟吾亦欲忘言

顯庵餉伊蒲索著語代簡


卻埽銷長夏來薰傍曲肱  
轆轤金井水沆瀣玉壺冰  
避暑元無法安心却粗能  
破除香積飯供給在家僧

輓故丈母萊國夫人沈氏三首

北使復南遷尚書大節全  
長公身致相冢婦世稱賢  
象服宜偕老魚軒遽溘先  
哀傷動行路謝傅况中年

林泉當絲竹丞相巧安貧珍重承夫意清修報主身指  
千隨嗜好體一寓姻親更有銜恩者妻孥寄食頻

愛女終身託嬰兒半路遺計音非不達憂思恐難支已  
及黃泉見應憐白首期愛恩均罔極淚盡輓歌詞





欽定四庫全書

集部

涉齋集卷七  
九

詳校官庶吉士臣吳烜

主事<sub>臣</sub>呂雲棟覆勘

謄錄監生<sub>臣</sub>黃鍾

謄錄監生<sub>臣</sub>嵇承聲

欽定四庫全書

涉齋集卷七

宋 許綸 撰

七言律詩

元日登天長縣城

元日登臨一腐儒，感今懷昔媿微軀。  
此城曾是千秋縣，有水呼為萬歲湖。  
南渡向來紆翠駕，北征何日會京都。  
祖功宗德無邊際，可恨長淮限一隅。

次常之元日復用韻

椒花祝處羽觴飛第一春光勿願違  
已是浹旬彈指過  
可堪維暮轉頭非詩籤絡繹須盈袖  
酒醺淋漓聽滿衣  
老去寸陰尤愛惜久拚帶減沈郎圍

人日用常之韻寄才叔居甫

斷腸梅作雪紛飛似與金花巧勝違  
此日共憐人日是  
今春誰道我春非閒中風月為蓮社  
醉裏鶯花即錦衣  
題寄草堂須記取莫孤綠繞惜紅圍

人日



明當春日今人日身到故鄉勝異鄉巧勝耐寒元故事  
青絲傳菜舊風光只將柏葉聊隨酒莫為梅花苦斷腸  
南北兩園多種接閒居從此有閒忙

次韻宣甫約元宵入城不至

春已兼旬未脫綿積陰頓掃柳條煙兒童戲放搏風鵠  
老子惟看跼水鷺剪綵試燈新樂事逢場作戲舊豐年  
詩翁不離陶溪隱可是公房戀屋仙

王宣甫以燈夕入城而予偶無佳思阻同遊有

詩為寒食之約次韻奉酬

落梅聲裏惜餘芳，孤負燈光與月光。  
偶以催租敗佳思，阻隨執事佐顏行。  
春風已入青絲鞵，好句終歸古錦囊。  
能踐清明重約否，須知歲月去堂堂。

元夕之明日久陰乍晴月色皎然

連陰乍霽自新元，細雨梅花自可憐。  
天意肯教人悵望，燈宵終放月團圓。  
兒童鼓舞幾通夕，我輩歡呼竟不眠。  
老少相懸均此樂，去秋無此大豐年。

次韻程判院春日

催得冬殘是野梅依然春傍柳邊回不知鬢影星星去  
只道年光恰恰來喜為農占秋有廩懶于僧問劫經灰  
歷頭且復從今數笑口都能幾度開

二月晦日游木瓜園

亭成寄樂小裴回野水粼粼傍酒杯未有政聲追召杜  
敢將詩律繼歐梅春風已辦催花絮夜雨惟憐老菜臺  
百二十春今恰半不須扁榜記曾來

次韻謝余伯益節推

鵲喜聲頻去復回  
亭成報我趣銜杯  
春風得意矜新柳  
野水留春戀落梅  
何處笙歌催院落  
一時車馬走輿臺  
攬先但得邦人樂  
侍約鶯花殿後來

次韻謝劉太丞

世事羊腸有幾回  
功名隨意芥為杯  
放教春色歸繁杏  
禁得東風是落梅  
天上有人調玉燭  
邊頭何地築金臺  
朝廷仄席思耆舊  
詔逐陽和蚤晚來

寒食日宿蕪湖縣解

今年歧路足生涯寒食蕪湖感物華少為顏公成且住  
絕憐杜老嘆無家光風不禁吹香草薄霧無端暮晚華  
已是惜春那惜別無多酌我怕周遮

感春呈同社

靜處聊將物理推鳥啼花發苦因誰留連春事惟紅藥  
管當行人是子規莫道柳綿無住相也為萍絮媚清漪  
如何飽食閒終日不課離騷不賦詩

四月晦日袁起巖同年雨中集聚景園

湖上名園屬內家湖邊有客誤乘槎  
風餐歷歷秦宮樹雨立亭亭漢節花  
樂事坐來添晷刻題名帖後帶煙霞  
春衫溼却它年話合有新詩記物華

次韻常之五日禁競渡

仍年此足為吾病舉世誰人似我閒  
思遠樓前重禁渡容成洞裏獨看山  
交游雨絕梅還溽賡倡星分豪自刪  
賴有松廬相慰藉新篇時復到榆關

閨上澣同德久子侄輩避暑退居即事

說著退居心已愜湖山何況傍繩牀雖無瑟瑟松杉韻  
自覺惛惛枕簟涼茗盃親來詩有思藕花多處語猶香  
一旬一日恩休沐今日恩隨日更長

再賦紀實

官身不辦游山具只有茶鐺與筆牀旋買鱸魚供箸美  
却攜玉友待樽涼同來稚子聽情話更有幽僧炷妙香  
遙望畫船雲錦外好風吹到笛聲長

次韻酬張巖卿七夕

星文人事古難磨  
女織男耕力最多  
河鼓有神司帶犢  
天孫垂象驗飛梭  
因依鴻烈成橋語  
泛濫長生舊殿歌  
伉儷流傳鈞是褰  
玉川無賴太風波

次韻王宣甫秋夜書懷

靜聽高梧落梵聲  
遙聞叢雀轉秋更  
星隨斗極看時改  
露濕天河徹底清  
老去心情惟藥裹  
病蘓燈火愜書檠  
故人忽起關河思  
觸撥深愁怒癭生



次韻陳仲全秋懷

一夜炎歊破甑空  
蕭然秋思雨聲中  
江湖兩鬢驚飛葉  
歲月一身俱轉蓬  
我自由來為性癖  
子今無乃坐詩窮  
男兒窮達終相似  
却是難教鑿柄同

九日次常之柳市秋懷韻

柳市留連愛別垌  
歸來詩與字俱清  
閒居拏斂全生理  
老境行藏見物情  
恨把菊花隨雨過  
醉敲瓦缶作雷鳴  
千年張翰風流句  
却是生前不願名

次韻才叔九日家宴阻訪媚川

一秋天氣屬吟家九日風光愛物華對婦舉杯勝俗客  
逢辰得酒值黃花大難富有成糜李

衆大難富有成糜李句難解考世說

陳太丘與客談令子元方李方炊飯二子竊聽炊忘著簞飯落釜中皆成糜似用此事謹識於此

小異誰

知落帽嘉獨坐媚川空悵望半蟾分挂夕陽斜

次才叔和龔司令九日韻

滿院西風把菊天官身閒暇亦悠然恍思杜老浮舟日  
絕勝彭城戲馬年豈待白衣開笑口不妨烏帽茱華顚

却愁明發還多事詩在龍山落照邊

九日簡德久

登高每恨尊無酒近節今欣菊繞籬風日正佳關氣數  
心情不分減年時愛將雪鬢歌紗帽慙把霜螯對酒卮  
意到潘郎寧易敗催租端自不妨詩

次轉庵九日韻

窗前白白黃黃菊門外疎疎短短籬擇勝任從追賞日  
有年即是太平時呼鷹戲馬人千古綴席浮舟酒一卮

五百年間張翰句風流猶待謫仙詩

九日小飲用後山居士韻簡轉庵

連日欣晴卜暮霞晨曦閃閃舞羣鴉時豐都市人多醉  
節近重陽菊有花萬事悠然山正好三杯可以我何加  
自憐猶有童心在愛把茱萸繫絳紗

再用後山韻

懶惰無心賦落霞醉餘吟筆大如鴉但欣有酒醺佳節  
猶勝無錢對菊花小異孟嘉今老去知非蘧瑗歎年加

登臨無奈秋光好歸傍窗前月印紗

九日同從班諸公自南山過蘇堤登寶叔塔

柳下芙蓉錦作裳畫船波底見秋光登高自昔須吾輩  
戲馬從人上寶坊白髮未嫌紗帽黑紫萸偏稱菊花黃  
常年風日無如此爭不從容入醉鄉

次韻解頤叟九日登樓唐律二首

詩翁九日獨登樓悵望當年淺碧洲菊徑全稀虛過節  
橘鄉無術敢當侯漢庭非晚浴良策邊算於今待遠籌

曾得合肥家信否未應胡越可同舟

規撫器業足資身合是蘭宮第一人風月難兄居半刺  
文章經國肯全貧身丁近免家家喜首述長謠句句新  
預卜他時康濟事定應不負白綸巾

三月二十七日玉堂夜宿

以玉為堂未是誇金林禽謝有金沙

案金林禽係花名別見澗泉集

稍

傳禁漏提初點旋聽周廬遞晚衙春盡猶寒欺夢草晴  
多未雨渴簷花自憐雖是文章力肯把凡鶯污白麻

玉堂宿直次高內翰九日前一日草妃子麻畢

題案上韻

歲稔時和庶事康未央稱壽捧瑤觴宣將鑾殿金為炬  
草就麻詞玉作堂自是關雎思淑女不同飛燕在昭陽  
儒臣信得文章力捧賜看花一樣黃

宿社祭齋宮與張野夫解舍為鄰信筆代簡

經時不見小于湖已覺心源少轆轤漫道齋宮鄰解宇  
何殊弱水隔蓬壺清談每想追前輩快覩何從換故吾

大阮端憂更堪憶平安曾得近書無

九月十一日龍華寺齋宿禮部陳同年見余鬼  
字韻詩寵和惠示復用韻奉酬

鴈塔同登驚歲月龍華共事陟崔嵬詩從瑞錦窠中出  
人是黃花節後來顧我何堪毗右府如公端合上東臺  
清時勝日才兼美平步功名不用催

陳同年再次韻為謝而王才叔判院和篇繼至  
復用韻併謝



錨坐齋宮喜敬陪高軒二妙屹崔嵬舊詩古廟香爐去  
新句風牆陣馬來但有黃花堪落帽不應白髮怕登臺  
留連月色須明發未受秋更密點催

酬才叔再用韻

三日齋餘過九日今朝方得上崔嵬日隨鴻影翩翩去  
句逐湖聲衮衮來肯為龍華留勝蹟何須戲馬羨高臺  
黃花未必相欺得正要詩翁着句催

致齋禱雨次轉庵韻

夏中春閨合炎蒸何事涼風日夜清大旱望霓如許切  
密雲不雨太無情何妨閉閣齋三日有媿聞蟬第一聲  
遙想轉庵同此際苦辭猶作渴蛙鳴

祭龍前一日致齋雨大作邑人以為數年未之  
有也作此呈養正明府

齋宿臨場早有期邑官齋出去陪祠祇應日脚埋雲處  
便是山頭戴帽時此雨近來都未有豐年向去更無疑  
請公買取千鍾酒從此琴堂日展眉

次韻廣文賀太守祈雨感應

天上為霖正玉衡  
農家占雨驗書檠  
黃堂懇惻煩精禱  
綠野歡呼得遍畊  
東哲未遊猶要雨  
蘇端好過莫教晴  
廣文飯足渾閒事  
吉語時聞更動情

驟雨忽至

未茨山宇趣儲材  
屐齒憐穿稱意苔  
礎石潤時雲氣動  
茶煙凝處雨聲來  
蠶家次第三眠柳  
江國淒涼五月梅  
電脚未收雷殷殷  
老農爭不笑顏開

五月梅  
李白句

舟中喜雨

驟雨颭風趁急雷  
畫船繫纜小裴回  
隔簾大點欺牕紙  
入戶微篩供酒杯  
一夏屢憂無計奈  
半秋頻喜傍懷來  
世間好事無全美  
濡首牽夫可念哉

積雨簡百七丈郎中二首

鄉里從游不乏賢  
薛侯令我自拳拳  
拳筆端有力能扛鼎  
飲量無涯可吸川  
寧屈乘軺紆郡紱  
豈容謝事引官年  
皇天有眼難從欲  
蹙許祠庭作散仙

社中真率數追陪  
合有閒緣帶得來  
十日頓疎新舊雨  
百年猶負淺深杯  
護持盧橘黃金實  
準擬榴花絳雪醅  
但有菖蒲皆是節  
不須端午始歡咍

新晴

兩旬衰病與陰霖  
徒有幽園日涉心  
曉色半窗驚睡起  
鳥聲叢樹索詩尋  
熙怡意象池亭滿  
履歷工夫杖屨深  
掉脫烏巾向人說  
市朝不樂似山林

次韻劉參議喜得雪

勒回義馭感蒼蒼醞釀風威鏢夜缸才喜節寒初集霰  
已憐灑急正聞窗忘年有約將尋戴好語先施合拜龐  
不惜登臨矜共賞萬妃正舞玉幡幢

次韻謝傅公謀賀雪

寒入冰絲響玉琴燎爐宿火費添薰夢驚窗眼疑留月  
起看簷牙有墮雲三白預知開歲稔一杯聊敢破朝醺  
踵門佳士欣相顧袖出名章過所聞

喜雪

靜聽微雨落乾聲曉見平簷粉似勻去歲鴛鴦何苦熱  
今朝鷗鷺太無塵眼空色界聊矜富酒極詩豪自覺神  
踏碎瓊瑤無過棹虛教新釀熟經旬

擁火觀書硯不冰梅將雪訪有交情一寒依倚回春谷  
三白牽連不夜城玉燭試於調鼎見金穰安待翦幡迎  
代畊無補妨賢甚歸去客成小築成

立春前一日喜雪

司寒顓帝職云虔肯許勾神撓雪權雙勝迎春猶卜夜

六花殿臘已書年太陽更不虧元日聖德由來格上天  
慙媿小臣無補報巴歌敢共郢爭研



欽定四庫全書

涉齋集卷八

宋 許綸 撰

七言律詩

和袁同年接伴謁洪澤鎮龍祠韻

鬼神為德著冥冥不在牲牷只在誠  
護客往來今九度感神昭假等三成長  
安妥帖平於席畫舫夷猶穩作程  
應鑒微衷有孤憤中原却隔泗州城

觀新堡寨因登平山堂次接伴袁同年韻

換得玻瓈千頃湖醉翁遺勝在江都登臨山色依然在  
拂略秋容澹欲無新堡似雲屯戍久舊臣何日策勲殊  
王人按壘非尋勝歸報前遊有遠圖

訪舊隱

自知樛櫟任天材閒愛浮萍靜愛苔歸有幽棲鄰佛住  
時因佳客下山來青雲乳酒聊傾尾白雪形鹽旋摘梅  
有月有琴君勿去百年懷抱待君開

買山石航海有懷故園

它山移却伴疎篁磊砢堅於百鍊剛  
劖地尚餘蒼蘚篆  
傍欄偏映紫荷囊  
濕雲矯矯飛還凝  
輝鳳亭亭舞復翔  
竹弟石兄應共語  
故園那得負風光

益老過靈巖看築塘因慰藉小隱索詩

孤雲一片自由身  
古剎隨緣有夙因  
小隱未容蠶作繭  
靈巖要看海揚塵  
築塘衣鉢時時唱  
信筆詩篇句句新  
畫繡不須歸相里  
聞師自是鴈山人

題州宅安航

以涉名齋敢自遑  
竭來何事得安航  
極知平地風波少  
得似閒居氣味長  
旋了兒癡便退食  
聊為僧坐靜焚香  
君恩未報空華髮  
孤嶼扁舟憶故鄉

潘德久將出疆之前三日移居作詩奉邀

久住京華似故鄉  
遷居又復一番忙  
此非子坐爭懸榻  
何以家為便出疆  
屋下已聽湖水過  
樓頭不奈柳梢黃  
今朝元已佳天氣  
試撥忙來共一觴

喜聞轉庵新結暖閣因賦

老來百事一無能  
寒燠隨宜護寢興  
小院回廊慵勃窣  
圍爐暖閣便瞢騰  
向陽挾策明開牖  
隱几聽歌厚覆凭  
聞道轉庵新結束  
宛同臭味我良朋

次韻轉庵步城南有卜居依壑意乃古吳吉庵之旁

出郊緩步當乘流  
依壑幽尋少餞秋  
水過斗門知浦口  
庵當巽地見峯頭  
賞心便擬為鄰卜  
志喜姑先著句留  
祇恐據鞍方矍鑠  
未容此處就菟裘

適庵

庵居奚以適為名  
痒處能爬是適情  
社後有誰留去燕  
春來何處不遷鶯  
物情雅與閒相會  
酒興酣時句自成  
要識適庵同一切  
客來不用舉深觥

淨光丈室開小窗  
頗得江山之勝次  
壁老壁間韻

車馬憧憧走皂臺  
面皮三寸積黃埃  
禪房永日窗開闔  
天際孤帆潮往回  
二月風光供遠眺  
十年羈旅愜重來

現前一宿圓成案懶向胡僧問劫灰

益老於鴈山築庵名曰東風小隱來求詩且約

相見

師住靈巖飽看山結茅猶欲老山間懸知客路紅塵軟  
輸與禪房白日閒蔬筍忘來詩格瘦楓梧落後鬢絲斑  
煩師護取龍湫水待覓涓涓洗我頑

未終棋局爛腰柯繫日長繩竟若何報國有心祇皎潔  
效忠無力恐蹉跎秋懷擬向樽前遣歸夢偏於馬上多

八月錢塘江上景可能作意莫相過

被旨祈禱數至天竺珪僧錄求白雲堂詩為賦

唐律一首

白雲峯下白雲堂上高人一瓣香繞殿持經山四合  
繚牆行道木千章衆生未免嬰時苦大士寧能與世忘  
祈雨祈晴來復去此身却似白雲忙

邀德久兄靈芝納涼

曾許西湖三百首官身其奈苦相妨追陪歲月多遺策



零落風烟有斷章  
人道拾遺無好句  
天教老監學清狂  
且邀海內忘形友  
領攬招提半日涼

高峯寺

四面峯巒玉斲成  
團圞真是梵王城  
名山勝絕茲為冠  
墨客冥搜遠作程  
清酌獻茶修薄供  
攝心歸敬誓餘生  
全家飽煖君恩重  
佛日光中祝聖明

袁性之自號為湖山遺老  
曩和予北征絕句因  
與其族人赴舉復見訪  
坐間求書湖山隱居扁

榜因為著語

湖山本為吾儕設家世今為隱者居歲稔石田猶可飽  
詩成霜葉正堪書因觀後進鑒勅敵肯訪閒人款敝廬  
醉覓扁鵲吾敢靳和篇曾枉百碑礫

隱居即事有懷潮州三首

屋後如屏擁碧岑愛山疊石尚同心肩輿不解勞人力  
振策惟便助足音未擲褰巾行曉色不眠乘月坐秋陰  
幽憂莫道都無景十月移春要滿林

載花航石自都城慙媿波神每不驚官職有何消得處  
園池亦只信緣成賞心擇勝難扁榜信口哦詩莫主名  
無奈新開城上路江山如畫總相迎

忘形海內鮑潮州遲次天教得共遊行李未還長問訊  
扶藜纔過許廩疇湖光催我頻攜酒花影何時傍結樓  
昨夜滿庭秋月色一年無此亦知不

為李和弟作溪堂扁榜賦唐律一首紀實

鵲原分派住松山溪繞山圍屋數間今少蓬成今宅相

舊將軍寫舊堂  
顏移來城市真堪貴  
纔混囂塵便等閒  
教子教孫風月夜  
琴書聲裏水潺潺

清卿求作混碧樓額因賦唐律

三十聲名晚合酬  
前銜久自是潮州  
尚須漢吏二千石  
聊卧元龍百尺樓  
混碧繆書波畫去  
醉紅憶為海棠留  
從今只願搏扶上  
還許澄鮮守舍不

欸乃聲中自答酬  
湖山迥闊冠吾州  
際天野色青環坐  
照水嵐光翠擁樓  
蓮浦渺瀰無路到  
松亭依約有船留

澄鮮近市翻堪恨  
混碧能容數過不

袁起巖侍郎采予無盡意詩語以一段奇為淨  
相別室扁榜有詩次韻

一段奇中無盡意  
西湖風月契三生  
只今扁榜成佳話  
它日尋詩有舊盟  
得失鷄蟲何日了  
去來鳬鴈逐時更  
癡兒尚欠梅花句  
已擬長歌出塞行

方有襄陽之請

高秀才紳十年前有同邸之舊  
以劔名堂求詩  
沙河燈火閣殘更  
客舍猶聞諷誦聲  
科舉累人須要了

詞章似子豈無成  
勲名合是男兒事  
通塞能忘造化情  
莫向斗牛占氣采  
夜深只願少微明

范湘潭岸花樓詩

杜若青青湘水深  
長官為政見瑤琴  
飛花幾度春來去  
行客自如人古今  
天地方年供旅寓  
江山一色費登臨  
楚峯驛伴湘中館  
更有高樓待賞心

侶鷗亭

世態浮雲轉首非  
孰於靜處見天機  
愛憎隨俗烏能好

爵祿無心牛自肥此樂尚憂兒輩覺斯人休祝我公歸  
公如畧起功名念鷗鳥驚人已浪飛

題富覽亭

萬峯如驚萬波同擘浪雙鼇躍勢雄山過江來垂斗柄  
水朝宗去渙文風家家洙泗絃歌裏處處蓬瀛圖畫中  
莫笑先生徒壁立一番登覽興無窮

登憶謝亭併呈質弟

爭不遊山憶謝公亭成孤嶼恰當中山低山仰今朝異

潮落潮生自古同  
幾欲弄舟移白日  
何當把釣待秋風  
惠連幸自還鄉里  
獨恨池塘句不工

題春風亭

亭成秋日榜春風  
歲稔時和荷化工  
佳事感傷多白髮  
壯懷突兀祗孤忠  
漢興即有中天運  
吏情元無關地功  
只把春風宣聖化  
物華都在發生中

題外祖母夫人李氏墓陟屺亭

陟屺哀哀八十親  
渭陽念母我傷情  
等為孝子終身慕



最慘嬰兒半路聲已把山光占塾教底須宅相寫亭名  
登亭更望芙蓉頂吹棘風前淚併傾

春晚登鈴岡

簿書拋罷一登臨恰有黃鸝送好音溪漲未消知雨近  
林疎頓密見春深詩源久廢如枯井宦況多磨似鍊金  
手種故園三四竹新梢拂拂想成陰

游金山寺

何年浮玉奠中川潮去潮來故屹然世事只隨波上過

佛身元向定中圓  
妙高得月天無際  
雄跨看雲雨帶煙  
孤嶼扁舟無活計  
又拏楊子渡頭船

登江山偉觀

江山如抱畫難加  
偉觀標名似太誇  
千古雲煙無盡藏  
百年登覽足生涯  
詩情與客來天際  
潮汛邀人上斗槎  
自是皇恩聊許借  
兒童莫便認吾家

題石乳洞

山前老石碧巔巔  
山後縈紆洞府寬  
妙處通行隨步武

到頭平坦上團欒寶鍾池秘金為奏甘井天成玉作欄  
古怪洪陽清石乳平章留與後人看

游仙都

我來古括經行熟欲到仙都有底難湯道蓬萊環弱水  
始知方丈近三韓千山開闔神仙迥一柱峒堯宇宙寒  
信有真人足官府不妨容我整鞭轡

初入鴈山見雙峯

鐘鼎山林昔罕兼久污清貫大傷廉移文謝客顏情厚

彈劾歸耕喜屬饜繞下盤山為邑里已排勝境入詩籤  
年來百慮銷磨盡只有雙峯不退尖

再遊鴈蕩觀雙峯

不到雙峯一紀年夢隨清磬上高圓重來慣識羊腸路  
兀坐慵談兎角禪欲刻舊題無好語羞將華髮照清泉  
男兒問學全無用愧爾耕夫墾石田

遊南明山

路上崔嵬斷復連危亭却立虎溪邊石梁架厂疑無地

巖竇梯雲欲近天  
客子詩情專物色  
老僧禪悅解行纏  
亦知太與塵凡隔  
時遣鐘聲落市廛

下四十九盤

時年四十九

了知四十九年非  
七七盤中共一機  
世路險夷行處是  
身名榮耀眼前稀  
此生待足何時足  
平日思歸今得歸  
厚祿故人如問訊  
為言留得故山薇

春園

用世無功孰取材  
誅茅作計別荒苔  
花隨淺綠流春去

山擁新青入坐來寬闢軒窗便過夏高藏書畫待經梅  
菊苗先晚丁寧種更要秋光次第開

喜子儀侍郎同遊

擬訪南山自北山長隄信馬只如閒畫船瞥見矜紅粉  
紫燕驚飛透白鵬三過名園成選勝再臨高閣似知還  
茲遊不負花時節寡和陽春更許攀

題洪陽洞

劃開靈怪幾千年傳與洪陽二老仙石室盡頭真境秘

天牕明處葆光圓  
乳泉煖滴燒丹井  
芝徑畦分種玉田  
不是到來須束火  
故應名勝限囂塵

聞轉庵遊西湖奉寄

馬上春光過若馳  
不須紀歷校花時  
青於前日長街柳  
白似去年雙鬢絲  
強學後生須藉酒  
苦邀同社索題詩  
朝回要使西湖去  
輸與安仁尚黑髭

酬常之換韻和江心寺詩

千峯屏繞浪環鋪  
莫把金焦作對呼  
絕境誰闢全體現

小亭人號媚川圖市聲非遠塵難到塔影雖雙嶼只孤  
大似橘洲浮不去嶽根元插赤沙湖

再次常之換韻題江心寺詩

山川如畫鎮長鋪每坐危亭謂笑呼大扁揚帆飛畧約  
巨鼇出水載浮圖錦袍仙想前堯古飯顆神遊絕境孤  
不是謝公親歷覽相忘祇竟渺江湖

媚川圖亭上觀江心寺詩

三山海上失雙峯插作中川鎮水龍高出赭垣尊御寢



長拖粉廬過僧筇夜敲圖繞千燈磬曉擊聲聞兩岸鍾  
莫恨無緣隨展鉢時來亭上足從容

某謬題媚川圖江心寺晚荷仲歸兄依韻寵和  
至再愈工勉酬厚意終慙辭費

孤亭面直海壇峯真覩龍翔瑞應龍長羨僧行圖上境  
不勞杯渡水邊筇推移日月東西塔透徹天淵昏曉鍾  
妙處難將聲相見喟摹終恐費形容

疇翁常之和媚川圖上觀江心寺詩

江北屯雲翳列峯江心靈雨走神龍已拚阮子一生屐  
更倚仙人九節筇晝靄孤帆昏野渡霏微兩塔濕疎鍾  
何須小米模糊筆潘令新詩足寫容

欽定四庫全書

涉齋集卷九

宋 許綸 撰

七言律詩

送吳待制安撫襄陽

天借琳琅鎮上流，西風作意送行舟。  
去看峴首何因感，遙見長安却是愁。  
平昔勲名期帶礪，向來談笑飽貔貅。  
輕裘少展籌邊畧，歸問君王覓鄴侯。

如君自是急難材，牛斗光芒未燭台。  
何以家為人咄咄

維其時矣詔來來臨湖盡去封侯橘度地先裁調鼎梅  
惡語流傳真引玉滿懷明月向人開

送何正言持節湖南

山莊寂寞信驚猿鷓鴣驚行踈亦斷魂持節過家天借便  
引嫌得請帝疏恩湘雲開處峰峰好諫紙藏來字字溫  
只恐夜深思賈傅長沙寧久駐軺軒

送趙端明帥蜀

謀深無位可矜功端殿幾廷禮數同盡以四川歸節制

重乘九折見精忠平生清白天垂相簡在登庸帝降衷  
萬里橋頭莫言遠恩波只在大江通

送鄒國遂武博知濠州二首

長髯如戟氣如虹只欠吾曹抹額紅右序談兵瓚建水  
上前論事殿生風懇辭射策登賓閣乞許分符立戰功  
他日濠梁真得意要看魚水得君同

孤嶼秋風憶釣蓑因君理櫂起勞歌分留鄉思從茲始  
報答君恩奈若何陶令籬傍猶有菊伯齡石上苦無禾

問言何補青蒲事為道新來白髮多

送毛監丞知漳州

參裨不解力吹噓  
摻別何勞嘆索居  
子去定為慈父母  
邦人應得樂田廬  
臨漳從此無苛吏  
嚴瀨曾聞治猾胥  
暇日若親橫槩賦  
為言珍重百碑礪

送胡司諫同年赴湖北漕

洞庭青草碧相連  
使節經行別有天  
又輟諫官湖外去  
要蘇民力未央前  
一枝臘雪邊江驛  
百丈春潮上水船

小駐輶軒私雨露司存及早侍甘泉

送渚德久都幹為賀生辰使屬

迺翁舊取燕山第子恰從人去使燕孽子孤臣應有淚  
祖功宗德本無邊離離故國搖鞭影耿耿新詩貯腹便  
父老相逢勤勞苦為言咫尺中興年

送張子儀尚書鎮福州

整違天陸星辰履便上春風李郭船兩地逼人真勇退  
三山去路儼登仙循環花甲趨庭日遺笏棠陰在鎮年

盛事相望已無匹寶奎新賜更光前

送直院樓尚書同年以閣學知婺州二首

受敵詞章八面全慶元書詔四方傳星辰聽履聊紆步  
筆墨論功即化權將母願為符竹計投誠徑繳冕旒前  
整煩明月雙溪照兩兩台星尺五天

隆興最盛初元榜當日曾推第一人出世經綸知幾佛  
看君意度不無神居然勇退非驚俗行矣追隨亦為親  
只恐苦無明月句經行難作隱侯賓



送禹之臯之舅赴調二首

我是次公門下客，登龍因許與乘龍。  
只今擊柝從關吏，漸可扶犁作老農。  
莫報黃墟埋白玉，滿看清廟列金鐘。  
二難自是從來譽，勉事功名定亢宗。

九年清夢落鳴珂，尊酒相逢奈樂何。  
但恨醉人成謬誤，莫嗔驚汝感摩訶。  
行裝忽指吳門道，別意今隨楚水波。  
若訪水僊逢處士，為言新句苦無多。

用樓尚書韻餞同年曾寺丞守溫州

三十三年同日喜憶曾書札問淮堧造朝合究三千牘  
出守聊違尺五天官舍君應思繫馬家山我亦念斜川  
政成的有天官列不擬攀轅擬執鞭

送劉東玉提幹之官茂苑

共論隸古弄文漪酌別寧忘載酒卮去去臺中攄婉畫  
行行篋裏富新詩向來闕閱多丹禁豈有人門後白眉  
九萬扶搖從此始他年書劄問茅茨

送石謙伯就許襄陽辟

襄陽耆舊流風在幕府文書併省餘勿以脩塗愁泛宅  
不妨勝處憩安輿碑存峴首堪懷古詩憶槎頭匪為魚  
萬里功名從此始勉旃聲價百碑礫

送鄭仁叔宰長溪

清於道骨澹於僧海內忘形得此朋作縣只如詩思苦  
能官已被薦書騰下車搏虎真堪笑入境無蝗定有稱  
我亦孤愚諳此味願言加飯履春冰

黃叔萬知縣以魯名齋求詩將赴公安併以為

餞

堂堂張也竟難為一唯工夫魯得之得免故應忘百慮  
亡羊正爾失多歧千林搖落青還在孤月當空影自隨  
昔日校官今作縣魯齋行處即吾師

送王子大知縣

金閨通籍綰銅章荔子黃時恰到鄉僧夏相期塵外住  
官箴將趣橐中裝傾心棲棘仇香地側耳鳴絃單父堂  
說著江西如故里南城春色勝河陽

送余伯益知縣

建章萬戶及千門博物如君自不羣入幕向來爭論薦  
鳴琴此去定知聞官惟作縣堪行志閩獨於鹽害未分  
剖竹乘軺同臭味願求長策獻吾君

送鄭節卿赴新喻丞併呈李諫議

南漳撫字溢三年當路文章喜薦賢鶴髮有親須祿養  
鶚書無地足常員為丞盍過滕王閣詣府欣依刺史天  
諫議恩深曾一顧煩君為我道拳拳

送鄭廷玉教授之官邵武

太學聲名十五年雞林副墨競流傳諸生定滿升堂履  
獨冷何愁坐客羶預恐上方催給劄便應西笑去朝天  
君王若問安邊策上藥良鑒有十全

沈架閣席上送沈教授之官邵陽二首

祝融七十二峯尊諸老相望古道存二邵人才元有種  
三湘風物向曾論先生此去行師說弟子從今記善言  
為訪衡山戴監獄可能畧不傍華軒

郡侯名字祖鞭先  
郡倅風流世有傳  
更著廣文鏜脚坐  
亦憐委吏鼎科年  
江山莫道非吾土  
官舍曾無有此賢  
自是蓬萊山上客  
枉教予作送行篇

送簡壽王主簿之官番禺

住久江西近物情  
聞名雖舊蓋初傾  
未聽健論折髯喜  
況有新詩出袖清  
為簿免從高士例  
飲泉要改昔人名  
為言牧伯乘驄舊  
愧爾傳家折檻聲

次韻臨川傳簿經過道舊之什

傾蓋臨川卜再逢歲華飄忽老秋風汗顏何補千人聚  
過眼還驚萬馬空今子所淹棲棘地曩余曾掌采芹宮  
種松已長煩公問梁棟如今中未中

送鮑清卿運幹調官還里二首

筆端有印印金泥榜榜名高米樣齊兩郡漫遊官似水  
七階懶覓薦為梯登瀛已近帆驚轉入幕雖卑首願低  
舉士引嫌堪自媿眼着湖海放鳬鷖

家住城南水竹村美君月榭與風軒頭顱已料書生骨



言語難酬明主恩何日致還歸里社也教依樣買山村  
彈邊求笑君憐我許種名葩寄後園

送范南宮守彭歸蜀

起草南宮著作庭歷階亦合侍承明乞身只擬分符去  
持節何妨衣錦行道在不孤知己舊才難偏愴語離情  
極知便下思賢詔其奈巴江白髮生

送黃元章秘書還餘杭待次荆門

蓬萊雲色正飛浮猛乞分符向玉州抵鵲信嫌三獻辱

如虹肯要萬金贖勲名不朽山為礪軒冕隨緣芥作舟  
却憾渥洼求汗血不如天廐出驂騑

送鄭節推勝棄職歸省

慷慨中原泣夜闌一門忠孝只南冠來歸九死賒猶易  
就養一官輕底難幕府禮羅留莫住清時長缺惜休彈  
男兒富貴尋常事要取功名與世看

送鄧南秀解秩東歸

小麥茸茸短覆泥如何熟得濟民饑青黃未接我狼顧

黑白既分君解龜已拜一言真苦口極知三折是良醫  
從今洗眼看華要書札無忘慰夢思

送穀仲歸謙謝以詩次韻奉酬

一樂長存抵萬金百年誰肯放愁侵飯蔬飲水真吾事  
懷寶迷邦豈本心桑戶琴歌奚此極孔門弦誦有遺音  
新詩當暑時時至每讀清風自滿襟

送解省元赴南宮

過庭有子即同登學圃承家豈足稱刻畫無鹽客更醜

寵光蕙草句全勝名場自此一投足官路不須三折肱  
累月筮兒吾豈敢短檠猶可課秋燈

送林定國赴秋試

讀却床頭滿架書時文元不費工夫向來點額關奇數  
今日焚舟合壯圖去去秋風趨北闕行行春色滿西湖  
癡兒未了書生事珍重青衫報國軀

送劉守之上舍赴試

迺翁壯譽動賢關晚把州麾苦要閒細字尚陪燈火課

淡書端要姓名攀扶搖穩泛魚三級文采曾闌豹一斑  
舍弟若為同日喜兩家親老想開顏

次韻餞振之之行

半生經史競分陰奏牘三千幾汗青技到屠龍從俗笑  
志存流水有人聽故園勲業千株橘世路生涯一草亭  
却笑劉商長得醉為無管屬愛浮萍

送安福劉秀才謀卿仍簡分宜傅公謀

昨夜西風入楚扉登臨遊子勸將歸壁廡未頤新書笥

錦里還尋舊釣磯  
平世勲名賒馬革  
男兒貧賤且牛衣  
傳巖詞客如相問  
說是今非昨更非

送德友之長沙章貢併懷薛葉二兄

篇章足可慕淵明  
其奈田無二頃耕  
甥館久居誰厭汝  
客塗遠問我憐生  
湘山物色留新句  
使節綈袍有故情  
併語鬱孤東道主  
春風吹夢到容成

送陳西老西上併簡張功甫

二月春光韻管絃  
琴書獨上館頭船  
篋中未有西湖句

闕下曾傳樂府篇名勝難逢分手易游從雖晚服膺先  
有如尚待金門詔須訪南湖桂隱僊

中川席上送陳同甫

眼底男兒隘六區似君豪氣有誰如中原赤子頭今白  
天下蒼生力未紓北闕有書流涕上西山無地帶經鋤  
共談世事何時了勸子加餐返故廬

送俊老再住惠因

天台自是金仙窟而况師曾住惠因祖令全提餘作畧

舊營重按想精神絕憐老宿參辰象何限名藍甲乙人  
若遇毒龍師攝取經行杯渡熟知津

送清監寺往平陽化緣清乃王詹事女

詹事家中靈照女圓月會下祖師禪一條見地如絲直  
百架脩廊尚結緣飛錫先從坳裏去擲盃聊當渡頭船  
更於何處求真佛說似檀那領現前

喜德久從人使北來歸

詩翁萬里恰歸來滌面那無一點埃生馬諳騎便武事



故京熟覽動詩才別來我已成炊夢此去君應悟劫灰  
見說北庭猶假息可無尊酒沃崔嵬

和袁同年接伴賡從客陸成文韻

鴈塔題名不記年相從淮海喜跼然了知鵬鷃懸微分  
祇覺夔蛇有故憐共泛仙舟凌浩渺賡吟醉墨墮芳鮮  
少游陳迹無尋處小五湖中水拍天

和袁同年接伴賡從客霍希文過楚州韻

一水分流西復東畫船隨水去怱怱晚風鼓角增悲壯

高壘營屯足長雄糧道已無清口應舟師會把朔庭空  
眼中方畧全圖在未肯輕將屬畫工

次韻袁同年回程見示

秋風日日動詩情人與詩篇一樣清歸去星辰添秀潤  
經行草木倍精明河山未闕功名志歲月徒催鬢髮生  
送客微言何足錄便將佳句榻前呈

吳門次韻頤剛嚴陵留別過新安

功名破甑等虛空身世隨緣邴曼容行色過於秋澹薄

離情恰似酒醇濃想君時看水西景顧我方聽夜半鐘  
莫計升沉須強飯男兒愛惜鬢星鬆

因振之之行過新昌懷鮑清卿

新昌令尹鮑參軍中的聲名孰似君未免徒勞紆墨綬  
不教平步上青雲句如冰柱當庚伏心似秋空納世氛  
豈為求齊工鼓瑟知音合遣九霄聞

懷轉庵餞客

一水經行昔飽諳故鄉真似是淮南杏花巖畔春攜酒

楊柳堂前夜駐驂隣境不停科甲馬  
吾民常喜足田蠶  
風謠物色堪詩句  
餞客歸時問轉庵



欽定四庫全書

集部

涉齋集卷十二

詳校官庶吉士臣吳烜

主事<sub>臣</sub>呂雲棟覆勘

謄錄監生<sub>臣</sub>嵇承霖

謄錄監生<sub>臣</sub>吳壽康

欽定四庫全書

涉齋集卷十

宋 許綸 撰

七言律詩

南省簾外唱和五首

句讀江西獨元宗  
筆裨造化蚤論功  
相逢客已傳河尹  
未見天教憶戴公  
歛訝鞭鸞仙尚散  
猶憐小草味能同  
明朝遣客方公事  
醉墨何妨落暮鴻

寒似西來不立宗  
酒兵屢敵故難功  
詩成染筆能忙事

勘罷糊名也自公細雨燒燈驚節過清尊華髮與君同  
故園花訊新來少欲問平安無過鴻

畫史何人更姓吳梁園重與續成圖晴泥正好一犁雨  
歸思還先六幅蒲院鎖餘寒春力峭書殘午後客情孤  
新詩剩喜相料理已覺胸中隘五湖

桃李枝頭鎖涸寒天工一笑發嫣然喚回雪苑陽春脚  
幻出瓊壺小有天歟看南圖羊角上恍思西抹阿婆年  
政須點勘頻呵護準擬開函近御筵

不因呵手軸書簾  
顓帝司寒盡解嚴  
已放官梅撩杜老  
更堪園柳憶陶潛  
潛定無裁鑒  
追王謝  
敢別妍媸擯  
模鹽  
爾許空餐已知愧  
底須自喜作沾沾

次韻留守劉觀文鹿鳴之什

一時天府姓名登  
三載文翁禮俗型  
已著衮衣親勸駕  
更施燕席共談經  
杏園路逐三春暖  
星漢槎通八月靈  
聖策若詢黃髮老  
為言輕重繫朝廷

劉正言講筵視職初直玉堂見案上所和高紫



微陽字詩寵和二章見示因用韻答以一首深  
愧短拙

措世規模豈小康八荒壽域萬年觴  
諫行膏澤茗溪水講勸淵源養浩堂  
遇合共欣魚縱壑濶希真見鳳朝陽  
簷花細雨金鑾直預卜為霖喜色黃

次韻常之歲晚督才叔詩課

流年舍我疾於飛受歲於予孰敢違  
有愧淵明新覺是自憐伯玉舊知非  
盍簪列炬昏騎馬博簷相歡夜倒衣

豈復少年豪氣事詩壇聊為解堅圍

次韻盧次夔直學投贈二首盧之父有師法方  
訓長孫鑄而次夔近繹子屈致教參孫發蒙

大難過訪憶曾醺謁入徒慙刺字留惠我新詩堪照夜  
喜君逸氣正橫秋時哉好去陳三策老者那能畫一籌  
暇日太丘如共款忘炊肯更作糜不

老眼青燈字字愁猶能宅勝復棲幽要追野叟田夫輩  
願作漁鄉橘里侯蚤取科名辭舉業來陪散吏入詩流

小孫勤苦童蒙訓未解知名杜若洲

約轉庵

半夜月明晨起風不眠附火鬢搔蓬牕虛洒急疑霰集  
閤暖香微知菊叢便擬南枝開摘索只愁卯酒醉冬烘  
行吟真愛亭前路梅蘂已如椒子紅

百七丈和篇有盡道溫柔別有鄉誰知絳闕水  
茫茫之句意有屬也再用韻奉酬

仙凡從昔各為鄉弱水蓬萊隔混茫不見麻姑呈狡獪

空教賀老號清狂兩奩心事無人共萬點花飛有底忙

說與東風須作主莫教癡白妬嬌黃

公家寵妓張氏者善弄

休厭黃鸝百轉聲詩翁亦是不平鳴中年懷抱愁離別  
暇日親朋好會并踏損落紅無錦韞嗟成白雪有朱英  
欄杆徙倚空三歎雨後斜陽寫不成

百七丈寒食扁舟之盟遽寒姚黃恐成輕負輒  
賦二篇復以醪醕為約

閒中直指醉為鄉寒食扁舟竟渺茫可惜海棠隨雨過

猶憐粉蝶伴醒狂游人靜後西山好春事深來老圃忙  
未必煩公頻折簡花時還是負姚黃

連夕驚雷非惡聲池塘閣閣幾蛙鳴春程尚有三之一  
樂事那能四者并養得苔錢教滿砌足為花地藉殘英  
聞閒不惜衝泥過架上醪醕玉已成

謝觀復長髯垂膝儼然山澤之癯棄去儒業從  
皇甫道士於廬阜余見之三茅以所編老君實  
錄見贈賦此奉酬

真是儒仙藪澤安長髯合住謝家池香爐峯下看雲坐  
碧玉壺中倒景窺妙旨五千歸日用纂言十萬見宗師  
故交幡起逃儒恨不值青藜夜訪時

酬劉孝若二首

春去堂堂已浹旬幽花耿耿尚能春細思造物尤恩我  
晚著家山剩底身客至情親惟話舊詩成意足不求新  
長年道路多踈隔如子相過正要頻

回首城南同舍時參辰相望更為誰杜門正媿衰兼嬾

枉向多慙頌不規新竹節金鳴粉籜初荷擎葢弄紋漪  
小園景物堪供給剝啄何時共說詩

次韻酬王宣甫

老去才衰非曩時如今何處有新詩陶溪已過黃初作  
漳浦曾同鄭老期近喜高軒能肯顧翻催歸棹起相思  
杖藜固有慙慙約逸駕愁難十駕隨

奉酬沈仲歸

劉墻屈壘敵金湯今繼薰風寫拒陽久住揚州詩富艷

整歸孤嶼句清涼簷聲疊喜隨花落野色方期共竹光  
偶苦河魚今少愈不應樽酒負鵝黃

次韻酬才叔仍送酒

逸駕翩翩莫可攀飛騰豈久住鄉間秋風便起東西玉  
郢雪姑吟大小山僅喜借居鄰竹院能無持酒到松關  
樓成約共魚軒過急遺雙壺且破顏

再用韻酬才叔

試聽剝啄莫尋推竹院來過更有誰紫鳳迎門披短褐



小龍入白破新規映空白鷺排青障照水黃鸝點碧漪  
春去自應留物色眼前何事不供詩

融州和孝若韻見寄併謝真愛賞梅之集復次  
韻奉酬

城南家訓不贏金曾共青燈課夜唸徃行二劉元作則  
後人六藝畫師心經傳鄉派源流遠詩到孫枝志思深  
玉潤風流今鮑叔卜隣佳處到于今

同病齊年各老成喜君勿藥近安平籃輿不惜尋梅過

藜杖何妨倒屣迎，潘令劇談聽至夜。  
劉郎新句和來清，疾行每愧穿楊手。  
金榜君居第十名。

次韻酬石謙伯二首

拂雲著句未能奇，聊為溪山且發微。  
過矣瓊瑤煩答贈，居然懷袖有光輝。  
經時苦雨無佳思，幾日占晴望落暉。  
石友不來春自老，登山臨水送春歸。

石兄兄石不兄錢卜築山邊復水邊，  
位置亭臺依茂密。別疏巖壑聽潺湲，  
拂雲脩竹還通月。擎蓋高松不記年。

預恐陶君回俗駕擬乘下澤疾驅前

酬木伯初仍簡才叔常之

惠我詩章有琢磨傳家學力見功多恍驚社裏攜文手  
奪得天邊織錦梭競約芳洲容與戲預欣清夜醉時歌  
熏蒸浪泊看鳶墮不念垂垂老伏波

次韻酬潘才叔

杜老添愁憐晦日閨仙不睡惜殘春閨餘寬我花枝眼  
年事逾君卦氣身架上醪醕香已歇階前紅藥色方新

新晴肯訪山園否聞健聞閒莫厭頻

再酬同社

殷勤春事尚彌旬豈是榆錢買得春映水殘陽開句眼  
滿園新綠茁花身論文把酒交情舊對弈忘機局面新  
信筆題詩無好語多情烏鵲喜聲頻

酬沈仲歸

曾倚平山望遠峯橋過真主昔回龍詞翻十事溫卿閱  
句敵三都蜀嶺筇置驛家風羅四面揮毫帥守角千鍾

來歸肯作蕭閒伴一誦新篇一起容

田家渴雨望雲峯掣電驅雷起蟄龍喜極三農俱合爪  
爭扶百拜各拋筇先生不用愁經笥老子惟須辦飲鍾  
換韻題詩應有句何人起舞為予容

次韻酬梅南壽舊曾和予梅花詞

衣鉢歐梅無別峯天慳發處妙屠龍瓊瑤有句傳商鼎  
金石留聲在蜀笥三歎少曾賡俚曲五音全得列編鍾  
末章壓倒君餘事不道承家有媿容

自和

芍藥猶  
開一朵

淨盡繁紅但碧峯  
藥欄猶有綠盤龍  
風光何限供吟筆  
霜鬢儘添宜老筇  
豈必愁來方酌酒  
底須句到始撞鍾  
閒中作樂真吾事  
多謝天工久見容

用韻酬常之才叔

西山爽氣挾蓮峯  
礙眼何嘗恕籜龍  
近種猫頭未成竹  
擬求人面替扶筇  
春歸意緒愁千斛  
病起情悰酒一鍾  
莫話朝雞萌妄想  
形骸老醜若為容

酬翁常之次韻

雲間聲價仰高峯，今向詩中識士龍。  
傳誦廢餐惟閣筆，行吟須杖轉思筇。  
晚欣鄉里才華盛，故是江山秀氣鍾。  
竹院過從煩答似，坐來起敬有羞容。

再酬梅南壽

看雲注日愛奇峯，撼壁魚梭欲化龍。  
鳳沼催詩欣在手，驪珠奪目急扶筇。  
老慙尚竊祠庭祿，閒覺驚聞夜漏鍾。  
報答一春無好語，更憐同社曲優容。

用韻酬常之

老慙匿影愛嵐峯已愧家聲昔二龍鑿井得泉思種橘  
尋河知路記因筇加餐漫說囊中法應俗多違飯後鍾  
同社朋來欣已諾何時倒屣却從容

疊用韻酬常之

迢迢起頓兩三峯石窟門邊有斷龍致爽君能豪拄笏  
策疲我媿老撻筇論詩句句諧唐律舉酒時時敵漢鍾  
謝客分留餘物色可能無意更形容



用韻酬侯居甫

玉樹風前映玉峯  
吾家安得此乘龍  
書林未照青藜杖  
甥館肯陪高節筇  
歸棹喜聞明月載  
哦詩想帶夕陽鍾  
從今社裏添光寵  
咳唾珠璣有仲容

再用韻酬居甫

凌雲健筆聳雲峯  
奪得標歸信是龍  
官似梅仙非素隱  
山經謝屐伴栖筇  
柳邊待起明光草  
花外要聞長樂鍾  
暫肯聞閒入詩社  
來篇三復嘆南容

酬鄭千之

契託尊公千佛名思瞻生氣屬丹青愛君克肖充眉宇  
將母通家過里亭難韻更能陪我和苦吟想見徹隣聽  
勉傳衣鉢窮年計入學元非一仲丁

自和

擾擾人生漫百營思量蒲柳豈長青四時代謝真郵傳  
百歲光陰寄客亭眼底浮華非我有靜中真樂要人聽  
故吾不惜全還我二十三前是白丁

和居甫仍喜其得雄

歸巢勸翼底須營家近容成取次青笑我崎嶇山上路  
美君瀟洒竹間亭弄璋已覺門闌喜引玉尤驚里術聽  
得子且欣容易養庚壬乙丙況藏丁

德久寄南游詩卷內和丁字韻凡九因次韻寄

酬

三逕雖荒可更營歸來因得課樵青巖棲寧著高低屐  
世路怕過長短亭厚祿故人新枉句高山流水舊知聽

案頭展卷勤收拾却恐天官勅六丁

酬常之

連朝晴霽有何營靜對脩篁照眼青  
旌節花迎門外客  
發揚荷傍水邊亭  
雙呼鳩語元無據  
一箇蟬聲已可聽  
鵲鵲飛來還送喜  
吉丁新句遣家丁

奉酬常之仙藥課畦丁之什

在勤生計合勤營  
手劬山園藥甲青  
首辨君臣嚴位置  
次看炎冷各調亭  
有身為患那能見  
未說能仙自喜聽

時後傳來須記取種時端是戍衝丁

酬孝若

自笑求田了不營  
竭貲結屋為山青  
尚憐遠岫光傾座  
猶欲平崖穩著亭  
同社唱酬雖數至  
扣門剥啄未嘗聽  
故交要識今吾面  
不是遺民即隱丁

酬南壽

挾策方勸  
而二詩至

窮當堅似亞夫營  
誰似任安事衛青  
欲使威儀還漢舊  
未傷風景隔新亭  
功名薄處書慵讀  
志節高邊我愛聽

過午尚思茶一盃休將後蔡比前丁

身世悠悠莫苦營是他松栢只長青寬於繭甕茨為舍  
大似雞棲草作亭蟲臂鼠肝元自定龜毛兔角慣曾聽  
臚傳天語君須記第四科名合是丁

仲歸以結局丁字韻二詩七夕乃連和四篇至  
如數奉酬

年衰病怯思怔營惟見詩笥眼便青連和舊篇纔結局  
高吟新月恰當亭敢輕勅敵嬰生力正恐陳言厭熟聽

入社莫言詩殿後此時孤律夢方丁

君詩紀律似堅營氣王東南幟赤青湧思急於流峽水  
疾馳快似速郵亭想當愜意須頻讀說與齊眉更喜聽  
擊鉢工夫勝刻楮賣文却笑隱吾丁

年逾卦氣易身營除一君猶鬢髮青豈但文章難匹敵  
只量筋力敢秤亭詩如博奕聊賢已調似渝歌且易聽  
除却嗟哦無一事齋心惟敬六神丁

聘錢猶欠入驅營野語傳訛亂史青河鼓牛郎隔河漢

成橋烏鵲為津亭隨緣樂事從心賞妄想佳期莫耳聽  
見說老人星合見更占秋丙看春丁

次韻湘西許老

困倚床頭未當癡結廬取次不塗茨常留真火添丹竈  
任使清霜上兩眉入市有錢時施藥還家無藁自吟詩  
不因乘興來過我老子姓名誰得知

次韻王宣甫

佳句馳來合斬關家童豈得嫉渠頑好懷偶苦催租至



厚意虛教垂索還近社賡酬幾寂寞舊詩塗改厖爛斑  
轉庵方示維摩病猶望崇齋大小山

次韻孝若謝報謁二首

訪舊論交憶斷金閉門宣想日高陰應思后牧長回首  
更學陰何苦用心顧我自知經世淺如君何苦愛人深  
相逢休說東山話已覺昨非猶至今

如懸夜雨潤冬晴菜本朝來翠浪平菊老容成宜退聽  
梅開真愛欲相迎擁鑪靜坐心非想把筆題詩思過清

寫寄城西老朋友數能過訪不無名

次韻盧康伯別家塾後示惠二詩

投老投閒袖久通何妨搔首鬢如蓬故人索我形骸外  
春事開予笑語中別去未幾情似闊詩成倏至福何洪  
倦從遠役寧株守人訝相從臭味同

如君摸索不難知匡鼎來時解說詩莫作瓜分甜後蒂  
已拚櫟散鬢成絲聞閒歲月壺中永取靜光陰隙外馳  
莫道廣文心似鐵知心猶有賦梅詩

次諫長韻

繚垣虛晝靜沉沉兩行槐陰一徑深細雨入簾供洪濤

按供洪濤三字  
難解疑有誤

清談參坐共蕭森柳邊花底隨官事綠

暗紅稀惜壯心正以頭風無藉在詩翁佳句敵陳琳

簷溜涓涓響澗奔濕飛蝴蝶見深深乳鴉雛雀自躊躇

老柳古槐惟蔚森同省三人慙未至許身一字愧初心

好風隔院動脩竹隨意題詩傾碧琳

再次仲歸臨池韻

聖時下士若卷阿鴻筆詞源走萬波南省只教韓愈到  
北飛猶障禹門過男兒器業偏成晚夫子才名獨患多  
地闢天開知有日中興宜頌更宜歌

次韻劉孝若二首

每思忝竊長知愧何有行藏可待明壯不如人祇錄錄  
老將及耄更平平故交契予情文厚佳句馳來格律清  
擬策疲駕追逸步却愁重趼趣脩程

宜男草長欲忘憂含笑花開却似羞轉蕙有風涼意動

重梅過雨漲痕留幽閒歲月難消受香火朝昏未答醺  
珍重友朋相慰藉鼎來賡和得因由

次韻轉庵幽禽到研邊之什

梅風拂拂動薰絃久雨休疑是漏天有客方懷噓澤畔  
無樓那得住山邊添香遣日愁難破換韻傳詩喜欲顛  
犯戒成章賢博奕門人已廢蓼莪篇

次潘茂和韻

久向竹林聞小阮恨無此客豈無羶文章未可為餘事

子弟何妨自太鮮老去嬾兼衰作病傳來詩與月俱圓  
瓣香合為牀頭易筭鳳鞭鸞不是仙

袁同年過揚州遞書并詩再次韻約同留維揚

### 觀春色

一緘書札故人情中有新詩字字清郵置傳來心已醒  
秋鐙讀處眼偏明揚州路近帆能疾瓜渚潮來水似生  
少駐星軺問遺俗春風生帳有詩呈

### 再次韻仲歸

身名已媿鳳巢阿世念難教古井波老覺病時終是嬾  
話當情處愛相過聞閒莫惜朋簪盍服義相將戶履多  
意到會能拚劇飲與君同賦醉時歌

席上次劉振之賢良韻

眼底扶疎綠漸稠傍林軒檻轉清幽空殮敢擬過僧夏  
閑雨猶憐近麥秋客有好懷厖夙駕袖將佳句豁牢愁  
焚香餉客無多景靜聽呼雛鳥雀啁

子儀侍郎欲攜家泛湖不及踐旬休之約再次

韻

案頭故紙積如山春去能無半日閒已約旬休同此集  
預愁陰雨在其間時清不禁無何飲晝永從教竟日還  
只恐扁舟成拔宅同遊無路可追攀

再次韻子儀侍郎用沈察院韻

杜宇來時憶故山簿書叢裏且聞閒流傳舊體湖山外  
賡唱新聲伯仲間雨霽園林鶯亦喜風輕簾幕燕知還  
蘇公堤上明寒食逸駕翩翩不可攀



次王宣甫韻

一春無計接茵憑  
野草閒花漫自榮  
留得小欄紅藥在  
待看新徑綠陰成  
亦憐酒醖踈談柄  
肯寄詩筒督課程  
多病感君勤問勞  
肱三折後萬緣輕

重陽前兩日集轉庵同社而今日忽雨次轉庵  
韻

攬先登眺高為節  
片段芙蓉錦作花  
賴得前朝曾此集  
有如今雨欲何加  
歡濃未分玄成白  
客醉猶憐酒勝茶

猶恨梅川無好句更須君賦為傳誇

次常之韻

身閒城市即郊坰況是秋高氣倍清  
醅唱篇章驚句眼往來節物見交情  
重陽檻菊明朝摘細雨簷花昨夜鳴  
晚霽嘉賓不重賞靈山空自愛嘉明

欽定四庫全書

卷十